

মুক্তমনা : কিছু অকুতোভয় নিঃশঙ্ক মানুষের সাংস্কৃতিক লড়াই

মোঃ জানে আলম*

মুক্তমনা নামক সাইবার ফোরাম এর সাথে পরিচয় আমাকে প্রচণ্ডভাবে অনুপ্রাণিত করে। গো-গ্রাসে আমি তার অনেক নিবন্ধ-প্রবন্ধ পড়ে ফেলি। বিশেষভাবে অভিজিৎ রায়ের বিজ্ঞানভিত্তিক লেখাগুলো আমাকে ভীষণ আলোড়িত করে। পরবর্তী পর্যায়ে এক সময়ে আমি মুক্তমনার সদস্য হই এবং আমার কিছু লেখা মুক্তমনায় এবং মুক্তমনা ও সান-ফিচার এর, সৌজন্যে কিছু পত্রিকায়ও ছাপা হয়। মুক্তমনা এখন কিছু অকুতোভয় নিঃশঙ্ক মানুষের সাংস্কৃতিক লড়াইয়ের সূচনা। এ লড়াই আমাদের পাঁচাগলা মূল্যবোধের বিরুদ্ধে, এ লড়াই আমাদের চিন্ম ও বিবেকের প্রতিবন্দীত্বের বিরুদ্ধে।

মুক্তমনার পাঁচ বছর হলেও আমার সাথে মুক্তমনার পরিচয় বছর দুই হলো—কখন কীভাবে সে কথা স্মরণ করতে পারছি না। আমি একজন রাজনৈতিক কর্মী—ট্রেড ইউনিয়ন আন্দোলনের সাথেও সরাসরি সম্পৃক্ত। সে সুবাদে কিছু সভা-সমাবেশ ও সেমিনার-ওয়ার্কশপে বক্তব্য রাখার কিছু সুযোগ পেয়ে থাকি। প্রসঙ্গক্রমে সব জায়গায় বলার চেষ্টা করি, আমাদের আর্থ-সামাজিক পশ্চাৎপদতা আমাদের সামাজিক-সাংস্কৃতিক পশ্চাদপদতার সাথে আট্টেপুটে বাঁধা। আমাদের আর্থ-সামাজিক পশ্চাৎপদতার মূল বৈশিষ্ট্যই হলো আমাদের চিন্মর আড়ষ্টতা। চিন্ম ও বিবেকের মুক্তি ছাড়া একটি আধুনিক ও উন্নত সমাজ সম্ভব হবে না। কেবল একটি সুসমন্বিত সাংস্কৃতিক আন্দোলন পারে জাতির চিন্ম-চেতনা ও মূল্যবোধের কান্ধিত পরিবর্তন আনতে। কিন্তু আমাদের রাজনৈতিক দলগুলোর এ বিষয়ে সচেতনতাই নেই বললেই চলে। তাদের কারো কারো কিছু কিছু সাংস্কৃতিক সংগঠন আছে বটে, যারা কেবল নৃত্য-সঙ্গীত-নাট্য চর্চার মধ্যেই তাদের কাজকর্ম সীমিত রাখে আর তাদের নেতা-নেত্রীদের জয়গান করে। এমতাবস্থায় যখন গভীরভাবে অনুভব করছিলাম কিছু সাংস্কৃতিক সংগঠন, পাঠচক্র গড়ে তোলার এবং এতদুপলক্ষে কিছু কাজও করছিলাম, তখন মুক্তমনা নামক সাইবার ফোরাম এর সাথে পরিচয় আমাকে প্রচণ্ডভাবে অনুপ্রাণিত করে। গো-গ্রাসে আমি তার অনেক নিবন্ধ-প্রবন্ধ পড়ে ফেলি। বিশেষভাবে অভিজিৎ রায়ের বিজ্ঞানভিত্তিক লেখাগুলো আমাকে ভীষণ আলোড়িত করে। পরবর্তী পর্যায়ে এক সময়ে আমি মুক্তমনার সদস্য

হই এবং আমার কিছু লেখা মুক্তমনায় এবং মুক্তমনা ও সান-ফিচার এর,সৌজন্যে কিছু পত্রিকায়ও ছাপা হয়। মুক্তমনা এখন কিছু অকুতোভয় নিঃশঙ্ক মানুষের সাংস্কৃতিক লড়াইয়ের সূচনা । এ লড়াই আমাদের পাঁচগলা মূল্যবোধের বিরুদ্ধে, এ লড়াই আমাদের চিন্তা-ও বিবেকের প্রতিবন্দীত্বের বিরুদ্ধে। তাই এ লড়াই বাঁচার লড়াই, এ লড়াইয়ে চালাতে হবে নিরবচ্ছিন্ন ও ক্লান্তিহীনভাবে। এ লড়াইয়ে আমাদের জিততেই হবে।

কারণ স্বাধীনতার দীর্ঘ সাড়ে তিন দশক পরও আজ আমরা অপার বিস্ময় ও বুকভরা বেদনা নিয়ে উপলব্ধি করছি যে, পশ্চাৎপদতার এক অচলায়তনে বন্দী হোয়ে আছে আমাদের প্রিয় মাতৃভূমি--বাংলাদেশ। যে ন্যূনতম আকাংক্ষা ও স্বপ্ন নিয়ে ইতিহাসের এক নজিরবিহীন ত্যাগের বিনিময়ে আমরা স্বাধীনতা ছিনিয়ে এনেছিলাম, সে স্বপ্ন ভঙ্গের বেদনায় আজ সমগ্র জাতি মুষড়ে পড়েছে। অথচ দীর্ঘ স্বাধীকার থেকে স্বাধীনতা আন্দোলন--চূড়ান্ত-পরিণতিতে সশস্ত্র মুক্তিযুদ্ধের মধ্য দিয়ে আমরা যে চেতনা ও মূল্যবোধ অর্জন করেছিলাম, একটি সদ্যস্বাধীন জাতির এগিয়ে যাওয়ার জন্য তা ছিল অত্যন্ত-যুগোপযোগী। মধ্যযুগীয় ধর্মীয় জাতীয়তাবাদের খোলস ভেঙ্গে নৃতাত্ত্বিক বাঙালি জাতীয়তাবাদ, সামরিক স্বৈরতন্ত্রের বিপরীতে গণতন্ত্র, শোষণহীন সমাজ বিনির্মাণ ও একটি অসাম্প্রদায়িক ধর্মনিরপেক্ষ সমাজ, এসবই ছিল একটি ধারাবাহিক আন্দোলন-সংগ্রাম ও সশস্ত্র মুক্তিযুদ্ধের মাধ্যমে আমাদের অর্জন। সঙ্গত কারণেই স্বাধীনতার অব্যবহিত পর আমাদের রাষ্ট্রীয় সংবিধানেও এসকল আদর্শ মূল রাষ্ট্রীয় নীতিমালা হিসাবে গৃহীত হয়। তারপরও কেন সে আধুনিক চেতনা ও মূল্যবোধের পথ ধরে আমরা এগুতে পারলাম না? কেন আমাদের এ ভাগ্য বিপর্যয়? কেন পৃথিবীর দরিদ্রতম দেশের কলঙ্ক তিলক আমাদের মাতৃভূমির ভালে শোভা পাচ্ছে? এ প্রশ্নগুলোর জবাবের মধ্যেই নিহীত আছে সর্বগ্রাসী এ পশ্চাৎপদতা থেকে দেশ ও জাতিকে উদ্ধার করার পথের দিশা--পশ্চাৎপদতার অচলায়তন ভাঙ্গার দিগ্নির্দেশনা।

আমাদের সংকট কোথায়?

আমাদের মূল সংকট আমাদের আর্থ-সামাজিক পশ্চাৎপদতা--মুক্তবাজার অর্থনীতিকে উন্নয়নের অব্যর্থ মডেল হিসাবে গ্রহণ করা হলেও স্বাধীনতার সাড়ে তিন দশক পরও বস্তুতঃ দেশে কান্ধিত শিল্পায়ন ঘটেনি। কৃষিতে এখনো বিদ্যমান সামান্যবাদী ও আধাসামান্যবাদী উৎপাদন সম্পর্ক। ফলতঃ সমাজে যেমন শ্রেণী বৈষম্য তীব্র হোয়েছে, তেমনি বৃদ্ধি পেয়েছে গ্রাম ও শহরের মধ্যে বৈষম্য। উৎপাদন ব্যবস্থার সাথে সম্পর্কহীন এক শ্রেণীর শহুরে লুণ্ঠেরা ধনিকদের সীমাহীন জৌলুস-আধুনিক জীবন যাপন-আর অন্যদিকে গ্রামের বিশাল দরিদ্র জনগোষ্ঠীর জীবন-জীবিকার প্রাণান্ধকর আদি সংগ্রাম-এ স্ববিরোধী বৈশিষ্ট্যই আজ আমাদের সমাজের বাস্তবতা।

আমাদের সংকট সামাজিক-সাংস্কৃতিক অনগ্রসরতা-- অশিক্ষা-কুশিক্ষা, ধর্মান্ধ চিন্তা-চেতনা, কুসংস্কার ও সাম্প্রদায়িকতা, আমাদের ঐতিহ্য-ইতিহাস নিয়ে বিতর্ক, আমাদের আত্মপরিচয় নিয়ে বিভ্রান্তি-

স্মর্তব্য যে, আর্থ-সামাজিক সংকট ও সামাজিক সাংস্কৃতিক সংকট পরস্পর নিবিড়ভাবে সম্পৃক্ত। অর্থনৈতিক পশ্চাৎপদতা মৌলিক বিষয় (Basis of the society) হলেও সে সংকট সমাধানে সামাজিক-সাংস্কৃতিক পশ্চাৎপদতা প্রধান প্রতিবন্ধকতা হিসাবে কাজ করে। এক্ষেত্রে বিভ্রান্তি-এড়াতে আমাদের আর্থ-সামাজিক কাঠামোর ভিত্তি (Infra-structure) | Dcwi KwWtgvi (Super-structure) দ্বান্দ্বিক সম্প্রকটি মনে রাখতে হবে। কারণ অনেকে গুলিয়ে ফেলেন যে, একটি আর্থ-সামাজিক কাঠামোর ভিত্তি বা অবকাঠামোর উপর যেমন ঐ সমাজের উপরিকাঠামো গড়ে ওঠে, আবার উপরি কাঠামোরও আছে আপেক্ষিক স্বাধীনতা--যা অবকাঠামোকে প্রভাবিত করে--পরিবর্তন করে। সহজভাবে বললে, আমাদের আর্থ-সামাজিক পশ্চাৎপদতা আমাদের সামাজিক-সাংস্কৃতিক পশ্চাৎপদতার মূল কারণ বটে, তবে আমাদের এ সামাজিক-সাংস্কৃতিক পশ্চাৎপদতা আমাদের আর্থ-সামাজিক পশ্চাৎপদতা উত্তরণের পথে প্রধান অন্রায়ণও বটে। এভাবে আর্থ-সামাজিক ও সামাজিক-সাংস্কৃতিক পশ্চাৎপদতার এক দুষ্টচক্রে (রপর্ডং পরংপষব) আটকে গেছে দেশ ও জাতির উন্নয়ন অগ্রগতি। তাই কেবল রাজনৈতিক আন্দোলন--অবাধ-নিরপেক্ষ নির্বাচনের মাধ্যমে সরকার পরিবর্তন--আরো সুনির্দিষ্টভাবে বললে, মুক্তিযুদ্ধের পক্ষের শক্তির ক্ষমতারোহণের মাধ্যমে এ সংকট থেকে উত্তরণ সম্ভব হবেনা। এ বক্তব্যের যথার্থতা উপলব্ধি করতে হলে আমাদের সামাজিক-সাংস্কৃতিক সংকটের স্বরূপ বিশ্লেষণ করতে হবে।

সুনির্দিষ্ট কোন রাজনৈতিক-অর্থনৈতিক ও সামাজিক-সাংস্কৃতিক দর্শনের অভাবে অবাধ লুণ্ঠপাট-দুর্নীতি আজ আমাদের রাজনৈতিক সংস্কৃতিতে পরিণত হয়েছে। যে কোন ভাবে ক্ষমতায় যাওয়া ও ক্ষমতায় থাকা আমাদের রাজনৈতিক সংস্কৃতি। পেশী শক্তি ও কালটাকার জোরে নেতৃত্ব ঠিকিয়ে রাখা আজ আমাদের রাজনৈতিক সংস্কৃতি। জনগণের কল্যাণে রাজনীতি--জনগণের জন্য রাজনীতির বিপরীতে স্বজনপ্রীতি- দলপ্রীতি-গোষ্ঠীপ্রীতি আজ আমাদের রাজনৈতিক সংস্কৃতি। রাজনৈতিক প্রজ্ঞা, অভিজ্ঞতার বিপরীতে পরিবারতন্ত্র; গোষ্ঠীতন্ত্র; আজ আমাদের রাজনৈতিক সংস্কৃতি। মূল নেতানেত্রীদের তোষামোদি, মোসাহেবী আজ আমাদের রাজনৈতিক সংস্কৃতি। রাজনীতিবিদরা সমাজের মেধাবী, ত্যাগী ও প্রাণসর প্রজন্ম--এসব আজ কল্প কথায় পরিণত হয়েছে। জনগণের জন্য ত্যাগ--দীর্ঘদিনের রাজনৈতিক আন্দোলন সংগ্রাম--এসবের বিপরীতে পেশীশক্তি, কালটাকা ইত্যাদি হয়ে গেছে রাজনীতিতে টিকে থাকার, সাংসদ মন্থ হওয়ার

অব্যর্থ মহৌষধ। রাজনৈতিক সংস্কৃতির পঁচা ডোবায় জন্ম নিয়েছে মধ্যযুগীয় পশ্চাদপদ ধ্যান-ধারণার অসংখ্য শৈবাল--ধর্মাস্কতা, সাম্প্রদায়িকতা, নিয়তিবাদ, মৌলবাদ, জঙ্গীবাদ। হীন রাজনৈতিক স্বার্থে-- ভোটের রাজনীতির কারণে--আমাদের রাজনীতিবিদরা--বিশেষভাবে বৃহৎ রাজনৈতিক দলের নেতারা--যারা ক্ষমতায় আছেন, ক্ষমতায় ছিলেন এবং ক্ষমতায় যাবেন-- সে পশ্চাদপদ ধ্যান-ধারণা ও মূল্যবোধের শিকড়ে জল সিঁধোন করে চলেছেন প্রতিনিয়ত। ব্যক্তিজীবনে তাদের সততা নিয়ে বহু কিংবদন্তী-প্রচলিত থাকলেও এবং পারিবারিক জীবনে অত্যন্ত-আধুনিক ও বিলাসবহুল জীবন যাপনে অভ্যস্ত এ রাজনৈতিক নেতারা রাজনৈতিক অঙ্গনে এক এক জন পুরাদস্তুর মোল্লা-পুরোহিত সেজে বসে আছেন। ধর্মের আলখাল্লা পরা, হাতে তসবিহ, মাথায় টুপি, টিকি, দাঁড়ি রাখা, ফি বছর হজ্জ করা, সভা-সমাবেশে ধর্মীয় মূল্যবোধের কথা বলা, তাদের অনেকেরই স্বভাব ধর্ম হয়ে গেছে। একটি সমাজের শাসকশ্রেণীর মূল্যবোধই সমাজে প্রধান মূল্যবোধ হিসাবে বিরাজ করে। (The ruling ideas of a society are the ideas of the ruling class.)। তার সর্বগ্রাসী প্রভাব পড়ে সমাজের অনগ্রসর জনগোষ্ঠীর উপর। পরিণামে মধ্যযুগীয় ধ্যান-ধারণার লতাগুল্ম-আগাছা জন্ম ও বিকাশের জন্য আমাদের সমাজের মানসভূমি অত্যন্ত-উর্বর হয়ে আছে। সে সুযোগে সমাজের তৃণমূলের আমজনগণকে নিয়তিবাদ ও মৌলবাদে দীক্ষাদান সহজ হয়েছে গেছে ধর্মভিত্তিক রাজনৈতিক দলগুলোর পক্ষে। ফলশ্রুতিতে মৌলবাদের বিকাশ ও জঙ্গীবাদের উত্থান।

তাই আর্থ-সামাজিক অবস্থার পরিবর্তনের যে আন্দোলন, সে আন্দোলনকে সফল করতে হলে সামাজিক-সাংস্কৃতিক অবস্থার পরিবর্তন আনতে হবে। রাজনৈতিক আন্দোলনের সাথে যুগপৎ গড়ে তুলতে হবে সাংস্কৃতিক আন্দোলন। প্রথমতঃ আমাদের সামাজিক-সাংস্কৃতিক পশ্চাদপদতার স্বরূপ উদ্ঘাটন করতে হবে। একটি জাতির সামাজিক-সাংস্কৃতিক অবস্থা হলো তার মূল্যবোধ, চিন্তা, চেতনা, যুক্তিবোধ, বিশ্বাস ইত্যাদি, যা আবার মূলতঃ নির্ভর করে জনগোষ্ঠীর শিক্ষার মানের উপর। একটি সমাজের প্রগতি নির্ভর করে জ্ঞানের প্রগতির উপর, অর্থাৎ সংস্কৃতির প্রগতির উপর। স্বাধীনতার দীর্ঘ সাড়ে তিন দশক পরও আমাদের শিক্ষার হার এখনো ত্রিশ শতাংশ অতিক্রম করেনি--তাও আবার অক্ষরজ্ঞান সম্পন্ন মানুষসহ। শিক্ষার গুণগতমান নিয়ে প্রশ্ন তো আছেই। আমাদের শিক্ষা ব্যবস্থা নিয়ে দীর্ঘদিন যাবত নানা পরীক্ষা-নীরিক্ষা চললেও তার সবকিছুই সীমাবদ্ধ থাকছে কেবল শিক্ষার পদ্ধতি নিয়ে। শিক্ষার বিষয়বস্তু ও লক্ষ্য তেমন গুরুত্ব পাবে না। তাই শিশুশিক্ষা থেকে সর্বোচ্চ শিক্ষা পর্যন্ত-আমাদের শিক্ষা কারিকুলামের একটি বৃহৎ অংশ জুড়েই আছে ধর্মীয় শিক্ষা। শিক্ষার বিষয়কে--বিশেষভাবে বিজ্ঞান শিক্ষাকে কেবল একটি টেকনিক্যাল বিষয় হিসাবে উপস্থাপন করা হচ্ছে। তাই ছাত্র-ছাত্রীদের কাছে শিক্ষা নিজেকে আলোকিত করা নয়, নিছক জীবিকা অর্জন--ক্যারিয়ার গড়ে তোলার উপায় মাত্র। শিক্ষার সাথে শিক্ষার দর্শনের সংশ্রব

নেই। তাই আমরা অবাক-বিস্ময়ে দেখি, আমাদের প্রকৌশল বিশ্ববিদ্যালয় ও মেডিকেল কলেজগুলো থেকে প্রতি বছর ডাক্তার-ইঞ্জিনিয়ারদের সাথে দলে দলে হুজুরও বের হয়ে আসছে। তারা তাদের পরবর্তী কর্ম জীবনের বেশকিছু মূল্যবান সময় ব্যয় করে সাধারণ মানুষকে আলাহ ও ধর্মের পথে আহবান জানিয়ে। দেশ ও জাতির প্রতি যে ইহজাগতিক দায়িত্ববোধ, তা তাদের কাছে গৌণ। তারা কেবল পরকালের স্বর্গ অন্বেষণে উদগ্রীব। তারা তাদের পরলৌকিক মুক্তির জন্য যত উৎকর্ষিত, সমাজের ইহজাগতিক সমস্যা নিয়ে ততোধিক নিষ্পৃহ। অর্থাৎ আমাদের সামগ্রিক শিক্ষা ব্যবস্থার গলদটা এত মারাত্মক যে, বিজ্ঞান শিক্ষাও আমাদের ছেলে-মেয়েদের বিজ্ঞানমনস্ক করতে ব্যর্থ হ'ছে। কারণ সত্যিকার বিজ্ঞানভিত্তিক কোন শিক্ষা কারিকুলাম আমাদের দেশের শিক্ষাপ্রতিষ্ঠানসমূহে অনুসরণ করা হয়না। মূলধারার প্রাতিষ্ঠানিক শিক্ষার যেখানে এ অবস্থা, সেখানে সমাজের তৃণমূলে, রাষ্ট্রীয় পৃষ্টপোষকতায় “কওমী মাদ্রাসা” শিক্ষা নামে বেসরকারী এক অদ্ভুত শিক্ষা ব্যবস্থা প্রচলিত, যেখানে আধুনিক জ্ঞান-বিজ্ঞান শেখানোতো দূরের কথা, উল্টোভাবে আধুনিক শিক্ষার বিরুদ্ধে, সকল প্রকার আধুনিকতার বিরুদ্ধে কোমলমতি ছেলেদের মগজ ধোলাই করা হ'ছে প্রতিনিয়ত। জীবনমুখী শিক্ষার পরিবর্তে সে সমস্ত-মাদ্রাসায় অধিক গুরুত্ব দেওয়া হয়--শৌচাগারে ঢুকতে ও বের হতে কী দোয়া পড়তে হবে, কোন দিকে মুখ করে প্রাকৃতিক ডাকে সাড়া দিতে হবে, র'টির কোন পিট আগে খাবে, কীভাবে আকুদ হবে, কী কী কারণে বিবি তালাক দেওয়া যাবে, বিবির সাথে সহবাসের নিয়ম কী এবং তৎপর তৈয়্যুম কীভাবে করতে হবে, নারীদের পর্দাপুশিদা কী ভাবে নিশ্চিত করে তাদের অশ্রুপুসিলা করা যাবে--আধুনিক জীবনের প্রেক্ষিতে তু'ছাতিতু'ছ এবং একান্স-ব্যক্তিগত--ইত্যাকার বিষয়ে শিক্ষা প্রদান করা হ'ছে--যার ভিত্তি হ'ছে মধ্যযুগীয় মূল্যবোধ, পরলৌকিক চিন্তা-ও নিয়তিবাদ। সর্বাপেক্ষা মারাত্মক যে ক্ষতিটা তারা করছে, তাহলো গ্রামের গরীব মানুষের কোমলমতি সন্তানদের এমনভাবে মগজ ধোলাই করা হ'ছে, যার ফলে সব ঘটনার জন্য কোন কার্য-কারণ ব্যতিরেকে তারা নিয়তি এবং একমাত্র নিয়তিকেই দায়ী করছে, এর বাইরে কোন কিছুই তারা ভাবতে পারেনা। কার্য-কারণ মানা ছাড়া কোন মানুষ যুক্তিবাদী হতে পারেনা। তাই আজ আমাদের সমাজের যে সকল দুর্দশা, এমকি প্রাকৃতিক দুর্যোগকে পর্যন্ত-তারা আল্লাহের গজব বলে মনে করে। অতএব, তাদের মতে কোন দুর্যোগ কিংবা কোন সংকটের প্রতিকার কিংবা প্রতিরোধ করা মানুষের পক্ষে সম্ভব নয়, যতক্ষণ না সৃষ্টিকর্তা চাইবেন। তাই সকল প্রকার বালা-মুসিবত কিংবা সংকট সমস্যা থেকে মুক্তির জন্য কেবল কায়মানোবাক্যে প্রার্থনা করা ছাড়া তাদের কাছে কোন বিকল্প থাকেনা। এ মাদ্রাসায় শিক্ষিত লোকেরা কিছু দিন পূর্বে ঘটে যাওয়া সুনামীর মত মহাদুর্যোগকেও আল্লাহের গজব বলে প্রকাশ্যে ফতোয়া দিয়েছে। মজার ব্যাপার হলো--তাদের কেহ কেহ সুনামীর ফলে সৃষ্ট সমুদ্রের উত্তাল তরঙ্গচুড়ায় আরবী 'আলাহু' শব্দও নাকি দেখতে পেয়েছেন এবং বিভিন্ন ইসলামী ওয়েব-সাইটে তা প্রচারও করেছেন। অশিক্ষা, কুশিক্ষা, সর্বোপরি সীমাহীন দারিদ্রের কারণে গ্রামের মানুষ এখনো

তাবিজ-মাদুলী পানিপড়া খেয়ে রোগ মুক্তির স্বপ্ন দেখে। নিজেদের সকল দুর্ভোগের জন্য নিজেদের নসীব বা নিয়তিকে দায়ী বলেই মেনে নিচ্ছে। যার ফলে ভাগ্য পরিবর্তনের কোন আন্দোলনে তারা শরীক হয়না। অথচ একমাত্র যুক্তিবাদী মানুষই নিজেদেরকে পরিচালিত করতে পারে যে কোন বঞ্চনার বিরুদ্ধে সংগ্রামে। অতএব দেখা যাচ্ছে, আমাদের সামাজিক-সাংস্কৃতিক পশ্চাৎপদতা আমাদের সামগ্রিক আর্থ-সামাজিক পশ্চাৎপদতা কাটিয়ে ওঠার পথে দুর্লভ্য প্রতিবন্ধকতা হয়ে দাঁড়িয়ে আছে। তাতে করে রাজনৈতিক আন্দোলন সংগ্রামের মাধ্যমে রাজনৈতিক ক্ষমতার পরিবর্তন হলেও পশ্চাৎপদতার যে সংস্কৃতি আমাদের আষ্টেপৃষ্ঠে বেঁধে রেখেছে তা থেকে জাতিকে মুক্ত না করলে আমাদের সার্বিক মুক্তি সুদূর পরাহত। তাই রাজনৈতিক আন্দোলনের পাশাপাশি প্রয়োজন একটি সাংস্কৃতিক আন্দোলন এবং অবিলম্বে তা শুরু করা উচিত এবং সে সাংস্কৃতিক আন্দোলনের মূল বিষয় হবে বিবেকের মুক্তি, যুক্তিবাদ, বিজ্ঞানমনস্কতা—যা অর্জন করতে হলে দীপ্ত কণ্ঠে রঞ্জে দাঁড়াতে হবে সকল প্রকার নিয়তিবাদ, অদৃষ্টবাদ, ধর্মীয় গোঁড়ামী ও কুসংস্কারের বিরুদ্ধে। সে অসমসাহসী ও যুগান্ধকারী লড়াইটি শুরু করেছেন কতিপয় অপরাজ্য-মেধাবী দেশপ্রেমিক ও মানবতাবাদী মানুষ মুক্তমনা (www.mukto-mona.com) নামক সাইবার ফোরাম গঠন করে। বলাই বাহুল্য এ সাংস্কৃতিক লড়াইয়ের মূল লক্ষ্য চিন্তার মুক্তির মাধ্যমে বিজ্ঞানমনস্ক মানুষ সৃষ্টি, সকল প্রকার কুসংস্কার--নিয়তিবাদ--অদৃষ্টবাদ- অলৌকিকতায় বিশ্বাস, ধর্মাস্কতা, মৌলবাদ, সাম্প্রদায়িকতা প্রভৃতি থেকে মুক্ত করে যুক্তিবাদের বিকাশ। সকল প্রকার চিন্তার মুক্তি ঘটাতে হলে বিজ্ঞান ভিত্তিক শিক্ষার কোন বিকল্প নেই। কিন্তু তার পরিধিও সঙ্গত কারণেই অত্যন্ত-সীমিত--শুধু কিছু ইন্টারনেট ব্যবহারকারীদের মধ্যে-- দেশের মধ্যে তার অবস্থান অনেকটা অপরিচিতও বটে। এমতাবস্থায় এজাতীয় ফোরামকে সাংগঠনিক কাঠামোতে নিয়ে এসে তাদের কর্মতৎপরতা আমজনগণের মধ্যে বিস্তৃত করতে হবে, আলোচনা, মতবিনিময়, পাঠচক্র, পত্রিকা-লিফলেট-পুস্তিকা প্রকাশের মাধ্যমে। ধর্মভিত্তিক রাজনীতির বিরুদ্ধেও মানুষকে সচেতন করতে হবে--তার অসারতা ও অযৌক্তিকতা তুলে ধরে। মুক্তমনার জন্মের পঞ্চবার্ষিকীতে এটা হতে পারে আমাদের নোতুর উদ্যোগ।

আমাদের একবারের জন্যও ভুললে চলবেনা যে, আমাদের সামাজিক-সাংস্কৃতিক অবয়বের পরিবর্তন ছাড়া কেবল ক্ষমতার পালাবদল করে কিছু স্বার্থান্ধ, মুর্থ, গোঁড়া ও অহংকারী রাজনৈতিক নেতাদের ক্ষমতায় পাঠিয়ে আমাদের পশ্চাৎপদতার এ অচলায়তন ভাঙতে পারা যাবেনা। তাতে জাতি কেবল উত্তপ্ত কড়াই থেকে জ্বলন্ত-উনুনে নিক্ষিপ্ত হবে বারংবার। অতএব মুক্তমনার পরিধি আরো সুবিস্তৃত করতে হবে-- এটাই হোক পঞ্চম জন্মশত বার্ষিকীর নোতুন অঙ্গীকার।

সম্পাদক,

* মোহাম্মদ জানে আলম ।
গবেষণা, পরিকল্পনা ও পরিসংখ্যান বিষয়ক

গণফোরাম কেন্দ্রীয় কমিটি ।